

Kitsissunnguit eqqisisimatitaanissaat pillugu Namminersornerullutik Oqartussat nalunaarutaannut siunnersuut

Pinngortitamik illersuineq pillugu Inatsisartut inatsisaanni nr. 29-mi 18. december 2003-meersumi § 5, imm. 1, nr. 8-9, § 16, imm. 1, § 39, imm. 6, § 46 aamma § 60, imm. 2, 4-lu malillugit aalajangerneqarpoq:

Siunertaq killiliinerlu

§ 1. Qeqertat ataatsimut taaneqartartut Kitsissunnguit (Grønne Ejland) imarlu eqqaanniittooq

Qasigiannguit Aasiaallu kommuniiniittut eqqaannilu imaq eqqisisimatitassangortinneqar-put.

Eqqisisimatisinermi siunertaavoq sumiiffiup assigiinngitsunik uumasoqarluarnerata illersornerata pitsanngorsarnissaa immikkut pingaartillugu imeqqutaallat erniortartut kiisalu qeqertat silaannarissumiiffittut pingaarutaat qulakkeerumallugu.

Imm. 2. Sumiiffik tassaavoq Ramsarimi isumaqatigiissut naapertorlugu Ramsarområde nr. 388-itut toqqarneqarsimasoq, tassalu pisortat pisussaapput sumiiffiup illersornissaa siuarsassallugu.

§ 2. Sumiiffik eqqisisimatitaasoq bilag 1-im 2-milu nalunaarsimavoq.

Imm. 2. Sumiiffiup eqqisisimatitap ilaa pingasunngorlugu agguarneqarpoq. Immikkoortoq 1-imiipput sumiiffiup eqqisisimatitap kitaatungaa ilaallutik qeqertat Saattuarsuit aamma Niaqornaq kiisalu imartaat qeqertaniit 500 meter tikkilugu. Immikkoortoq 2-miippoq qiterleq Kitsissunnguit ikkarlullu kangillerpaq kiisalu imartaa qeqertamiit ikkarlummiillu 500 meterinik avassisusilik. Immikkoortumut ilaavortaaq immikkoortoq 2A. Immikkoortoq 3-miippoq sumiiffiup eqqisisimatitap kangillersaa ilaallutik qeqertat Innarsuatsiaq, Kingituarsuk aamma Angissat kiisalu imartaa qeqertaniit 500 meteritut avasitsigisoq tikillugu.

Nalinginnaasumik iserfiginera atornerala

§ 3. Kikkut tamarmik sumiiffimmut eqqisisitamut isersinnaapput killilersuutit nalunaarutip matuma kingunerisai atorlugit.

§ 4. Sumiiffimmi eqqisisimatitami inerteqqutaavoq nunap immallu mingutsinnissaat imaluunniit igitat suusulluunniit maangaannaq qimannissaat, tamatumani ilanngullugit piniutit suusulluunniit, nalunaaqtsersuinerit imaluunniit ilisimatuutut atortut.

Imm. 2. Naasut ajoquseqqusaannigillat nunalu allanngorteqqusaanani. Aamma naasut suulluunnit, naasut sananeqaataasa ilaasa, uumasut, manniit kiisalu meqqut qiviullu katarsornissaat inerteqqutaavoq, taamaattoq takuuq § 11, imm. 1.

Imm. 3. Imm. 2-mi inerteqqutaagaluartoq naasunik katersuisoqarsinnaavoq aalisarnermut, aallaaniarnermut piniarnermullu atatillugu nerisassiornermi ikummatisanik.

Tupertorneq innermillu ammaannartumik atuineq

§ 5. Sumiiffiup eqqissisimatitap iluani uninngaarnermi tupertorneq innermillu ammaannartumik atuineq, tamatumani ilanngullugu gassimik spritimillu ikumatitsiviit il.il. atoqqaanngillat, taamaattoq takuuk imm. 2-5.

Imm. 2. Immikkoortoq 2A-mi tupertorneq innermillu ammaannartumik atuineq, tamatumani ilanngullugu gassimik spritimillu ikumatitsiviit il.il. atornissaat inerteqqutaanngilaq 1. novembarimiit 30. aprilimut.

Imm. 3. Immikkoortoq 2A-mi tupertorneq aamma innermik ammaannartumik atuineq, tamatumani ilanngullugu gassimik spritimillu ikumatitsiviit il.il. 1. majimiit 31. oktobarimut inerteqqutaanngillat, taamaattoq sivisunerpaamik sumiiffimmi ataatsimi ullut unnuallu pingasut. Tupertoqqinnej aamma innermik ammaannartumik atuineq, tamatumani ilanngullugu gassimik spritimillu ikumatitsiviit il.il. atornerat tamatuma kingorna kingornatigut taamaallaat pisinnaavoq sumiiffimmi nutaami ullut unnuallu pingasut sumiiffimmit sioqqullugu atorneqartumit minnerpaamik 100 meterinik ungasinnerusumi.

Imm. 4. Imm. 1-imi inerteqqummut ilaanngilaq immikkoortoq 3-mi tupertorneq aamma innermik ammaannartumik atuineq, tamatumani ilanngullugu gassimik spritimillu ikumatitsiviit il.il.

Illuliorneq, sanaartorneq, aqqusineeqqat il. il.

§ 6. Sumiiffiup eqqissisimatitap iluani inerteqqutaapput illuliorneq allanilluunniit nunamut aalajangikkanik sanaartorneq, illut pioreersut ilanerat allangorterneralluunniit, kiisalu aqqusinniorneq aqqusineeraliornerlu, taamaattoq takuuk imm. 2-4.

Imm. 2. Immikkoortoq 3-mi komunalbestyrelsi kommuni immikkoortoq 3-p inissismaffigisaa tusarniaavigereerlugu Attaveqarnermut Avatangiisinullu Naalakkersuisoqarfiup akuerisinnaavaa illuliorneq allanillu nunamut aalajangikkanik sanaartorneq ingerlatitseqqinnermik takornariarnermillu siunertaqartunik. Taamatut akuersinermi Attaveqarnermut Avatangiisinullu Naalakkersuisoqarfiup illunut sanaartukkanulluunniit aalajangersimasunut allanut, suunerinut, inissinnerinut, portussusiinut ilusilernerinullu piumasaasut aalajangersarsinnaavai.

Imm. 3. Sumiiffiup eqqissisimatitap iluani illuaqqat piniariartarfifit ataannarsinnaapput aserfallatsaalineqarutillu. Kommunimi immikkoortup inissismaffiani communalbestyrelsi tusarniaavigereerlugu Attaveqarnermut Avatangiisinullu Naalakkersuisoqarfiup akuerisinnaavaa nutaanik pioreersut taartissaannik illuaraliorneq. Taamatut akuersinermi Attaveqarnermut Avatangiisinullu Naalakkersuisoqarfiup illuaqqap piniariartarfifit angissusissaanut, suuneranut, inissinneranut, portussusianut ilusilerneranullu piumasaasut aalajangersarsinnaavai.

Imm. 4. Sumiiffiup eqqissisimatitap iluani immikkoortumi kommunimi communalbestyrelsi tusarniaaffigereerlugu Attaveqarnermut Avatangiisinullu Naalakkersuisoqarfiup akuerisinnaavaa aqqusineeraliorneq. Akuersissummi taamaattumi Attaveqarnermut Avatangiisinullu Naalakkersuisoqarfiup aqqusineeqqat sananerannut, tamatumani ilanngullugu atortussat naapertuuttat atorneqarnerat, piumasaasut aalajangersarsinnaavai.

Imm. 5. Illuliornermut allanilluunniit nunamut aalajangikkanik sanaartornermut atatillugu kiisalu aqqusineeraliornermut atatillugu nuna naasuul qangatut pissuseqalersinneqassapput.

Umiartorneq, nunamut niuneq angalanerlu

§ 7. Immikkoortoq 3-mi 1. majimiit 31. oktobarimut inuit angalaqatigiit 12-it sinneqartut pisummiq angalanissaat inerteqquaavoq, taamaattoq takuuk imm. 2.

Imm. 2. Angalaqatigiit 12-nit amerlanerusut angalanissaat Attaveqarnermut Avatangiisinullu Naalakkersuisoqarfip akuerisinnaavaa.

§ 8. Immikkoortuni 1-im 2-milu umiartorneq, nunamut niuneq angalanerlu inerteqquaapput 1. majimiit 31. oktobarimut, taamaattoq takukkit imm. 2-6.

Imm. 2. Søfartsstyrelsi inulluunniit Søfartsstyrelsip pisinnaatitaa immikkoortoq 2-mi angalasinnaavoq naaralaartitsiviup (raconfyret) nakkutigineranut atatillugu.

Imm. 3. Kommune susassaqartoq tusarniaaffigereerlugu Attaveqarnermut Avatangiisinullu Naalakkersuisoqarfip immikkoortoq 2-mi angalaarneq akuerisinnaavaa angalaarniat inummik nunatsinni pinngortitamik pinngortitallu illersugaalluni angalanermut piumasaasut aalajangersarneqarsinnaapput, tamatumani ilanngullugu angalaarnerit amerlassusiat, sivisussusiat kiisalu angalaarnermi peqataasut amerlassusiat.

Imm. 4. Immikkoortoq 1-im 2-milu annanniarluni umiarsualivissittoqarsinnaavoq silap pissusia patsisaalluni tamanna pisariaqarpal. Uninngaarneq Attaveqarnermut Avatangiisinullu Naalakkersuisoqarfimmut nalunaarutigineqassaaq kingusinnerpaamik uninngaarnerup naaneranit qaammatip ataatsip qaangiunnerani.

Imm. 5. Immikkoortoq 2A-mi umiarsualivissillunilu angalaartoqarsinnaavoq niuneq kujammut sammernani pippat.

Imm. 6. Immikkoortoq 1-im aalajangersakkanut ilaangillat annaassiniarneq ujarlernerlu.

§ 9. Sumiiffiup eqqissisimatitap iluani motorilinnik cykelinillu angalaneq inerteqquaavoq.

§ 10. Sumiiffik eqqissisimatitaq qulaallugu 500 meter ataallugu qutsissusilikku timmisartornerit inerteqquaapput sumiiffiup uumasui pillugit, taamaattoq takuuk imm. 2.

Imm. 2. Imm. 1-im aalajangersakkanut ilaangillat annaassiniarnerit ujarlernerillu.

Piniarneq, aallaaniarneq, mannisarneq aalisarnerlu il.il.

§ 11. Immikkoortoq 1-im, 2-mi 3-milu piniarneq, aallaaniarneq, mannisarneq aalisarnerlu inerteqquaapput 1. majimiit 31. oktobarimut. Aalisarnermut sakkut, tamatumani qassutit ilanngulligit, peerlugillu nassarneqassapput 1. maj tiksinnagu, taamaattoq takuuk imm. 2.

Imm. 2. Immikkoortoq 2-mi 3-milu nipsanniartoqarsinnaavoq 1. majimiit 10. junimut. Aalisarnermi atortut, qassutit ilanngulligit, peerneqarlutillu nassarneqassapput kingusinnerpaamik 10. juni.

Imm. 3. Sumiiffiup eqqissisimatitap iluani aalisakkat sinnikuisa iginnissaat inerteqquaavoq.

Aqtsineq, nakkutilliineq immikkullu akuersineq

§ 12. Kommunalbestyrelsit susassaqartut tusarniaavigereerligit Attaveqarnermut Avatangiisinullu Naalakkersuisoqarfik sumiiffiup eqqissisimatitap aqunnissaanut pilersaarusiussaaq.

§ 13. Kommunip susassaqartup nalunaarutip matuma malinneqarnissaa isumagissavaa. Aalisarnerup, aallaaniarnerup piniarnerullu aqunneqarnerat Aalisarnermut, Piniarnermut Nunalerinermullu Naalakkersuisoqarfip isumagisassaraa.

§ 14. Attaveqarnermut Avatangiisinullu Naalakkersuisoqarfik § 5, imm. 1-im, § 6, imm. 1-im, § 8, imm. 1-im, kiisalu § 9-mi aalajangersakkanit allaasumik akuersisinnaavoq tamanna eqqissisimatitsinermut anguniakkanit allaanerunngippat.

§ 15. § 4, imm. 1-2-p, § 5, imm. 1-ip aamma imm.3 pkt.2-p, § 6, imm. 1-ip, § 7, imm. 1-ip, § 8, imm. 1-ip, § 9-p, § 10, imm. 1-ip, § 11, imm. 1-im. imm. 2-mi pkt 2-p aamma imm. 3-p unioqqutinneqarnerat akiliisitsinermik kinguneqarsinnaapput.

Imm. 2. § 6, imm. 2-4, kiisalu § 8, imm. 3-mi piumasaasut unioqqutinneqarnerat akiliisitsinermik kinguneqarsinnaavoq.

Imm. 3. Suliffeqarfik naalagaaffimmit, Namminersornerullutik Oqartussanit, kommunimit kommunilluunniit ataatsimoortunit tamakkiisumik ilaannakortumilluunniit pigineqartoq, communalbestyrelsit nunaqarfimmilu aqutsisut il.il. pillugit inatsisartut inatsisaannut ilaasut, aktieselskabi, anpartsselskabi assigisaalluunniit unioqqutitsisuusimappat eqqartuussisarneq pillugu suliffeqarfik il.il. akisussaatinneqarsinnaavoq. Taamaaqataanik atuuppoq unioqqutitsisuusimappata

Namminersornerullutik Oqartussat, kommuni imaluunniit kommunit ataatsimoortut communalbestyrelsit nunaqarfimmilu aqutsisut il.il. pillugit inatsisartut inatsisaannut ilaasut.

Imm. 4. Imm. 1-3 malillugu akiliisitsissutit Landskassimut nakkassapput.

§ 16. Nalunaarut 1. maj 2008-mi atortuulissaq.

Namminersornerullutik Oqartussat, ulloq 17. april 2008

Kim Kielsen

/

Steffen Ulrich-Lynge

Ilanngussaq 1

Ilanngussaq 2

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut